



UNIVERSITÄTS-
BIBLIOTHEK
PADERBORN

Arbor Vitæ Sive Vita Et Doctrina Christi

Ex Quatuor Evangeliiis In Meditationes Quotidianas Velvti Totidem Ramos
Distributa

Illsung, Jakob

Dilingæ, 1693

Meditatio CCCLXV. Christus prædicat in Encæniis.

[urn:nbn:de:hbz:466:1-60727](https://nbn-resolving.org/urn:nbn:de:hbz:466:1-60727)

MEDITATIO CCCLXV.

Christus predicat in Encaniis.

Joan. 10. v. 22.

PUNCTUM I. *Facta sunt autem Encania in Jerosolymis & hyems erat. Et ambulabat JESVS in Templo porticu Salomonis. Circumdederunt ergo eum Judai, & dicebant ei: Quousque animam nostram tollis? Si tu es Christus, d. c nobis palam. Respondit eis JESVS: Loquor vobis, & non creditis; Opera, quae ego facio in Nomine Patris mei haec testimonium perhibent de me. Joan. 10. v. 22. Sic Opera nostra Bona de nobis testimonium perhibeant, nos esse Filios DEI Adoptivos; quemadmodum Opera Christi Miraculosa de illo testimonium perhibuerunt eum esse Filium DEI Naturalem. Sine operibus enim nec laudem apud homines, nec fidem, folis verbis nos jactantes, obtinebimus; nec apud DEVM Haereditatem Aeternam merebimur. Sicut enim Judaeis aliquando Christus dixit: Si Filij Abrahæ estis, Opera Abrahæ facite: Ita si Filij DEI esse volumus, & Haeredes DEI, Cohæredes autem Christi, Opera DEI faciamus.*

PUNCT. II. *Sed vos non creditis, quia non estis ex Ovibus meis (id est, quia non vultis esse ex Ovibus meis, meam vocem audientibus) Oves meae Vocem meam audiunt (audire autem est credere, & obedire Doctrinae Christi) & Ego cognosco eas, & sequuntur me (id est, Exemplum meum) Et Ego Vitam Aeternam do eis, & non rapiet eas quisquam de Manu mea. v. 26. Esto & tu ex Ovibus Christi. Si audis Vocem docentis, & seque-*

ris Exemplum præeuntis, agnoscat te, ut dirigat te, & pascat, vitamque tuam servet, & protegat contra rapaces lupos, & insidias Diaboli.

PUNCT. III. *Pater meus, quod dedit mihi* (communicando suam Naturam Divinam) *majus omnibus est* (id est, omnibus rebus creatis) *& nemo potest rapere de Manu Patris mei*: nemo enim per suam infidelitatem, vel invidiam potest eripere id, quod mihi dat, quò minus sim Filius DEI Naturalis. Sic etiam Gratia Adoptionis in Filium DEI est majus Bonum omnibus bonis creatis; & hanc nemo potest eripere, nisi ipsi velimus eam perdere per consensum in peccatum. *Ego & Pater Unum sumus.* v. 30. Scilicet sumus Unum per eandem Naturam. Nos sumus Unum per Gratiā, quā reddimur consortes Divinæ Naturæ. Itaque idem etiam sentiamus, & idem velimus, & omnem separationem ac divisionem horreamus.

MEDITATIO CCCLXVI.

Continuatio Prædicationis.

Joan. 10. v. 31.

PUNCTUM I. *Sustulerunt ergo lapides Judæi, ut lapidarent eum. Respondit eis JESVS: Multa Bona Opera ostendi vobis ex Patre meo: propter quod eorum Opus me lapidatis?* Joan. 10. v. 31. Hóccine meis Naturæ vires excedentibus Operibus, ac Beneficijs à vobis promeritus sum, ut me lapidare velitis? Simili modo DEVS ex nobis quærere posset: Hóccine meis Beneficijs promeritus sum, ut me vestris peccatis quotidie impetere, atque obruere non vereamini? At tu non si-

mili